



Universitätsbibliothek Paderborn

**Elogia Societatis Iesu Sive Propvgnacvlvm: Pontificum,
Conciliorum, Cardinalium, Antistitutum, nec non
Imperatorum, Regum, Principum & aliorum Virtute,
Religione, omniq[ue] Literatura illustrium (etiam ...**

Gomez, Cristobal

Antverpiæ, 1681

Guilielmus Babarus n. 4

urn:nbn:de:hbz:466:1-38486

*Sabaudia
Ducis in
Societatem
benevolen-
tia.*

3. A CAROLO EMANVELE *Sabaudia Duce Serenissimo,*
qui scripto testatum reliquit, vt omnibus de summa sua erga Socie-
tatem benevolentia constaret, Tota sua Ditione velle omnium
Nostrum capiti æquè ac suo cautum esse. Hæc tantus Prin-
ceps in Annalibus Societatis anno 1612. fol. 139. in quibus non ma-
iore de Ea existimationem euulgare potuit.

*Fauor insi-
gnis Baua-
ria Ducis
in Socie-
tatem.*

*Littera ad
Pontificem
eius ma-
nu scripta.*

*In quibus
Societatem
laudat, ac
filios.*

*Et instituti-
rationem
defendit.*

4. A GUILIELMO Bauariae Duce, qui cum vidisset mœ-
rem, & metum Societatis ex immutato Sixti Pontificis animo erga
illam, ita hac de causa laboravit, ac si de toto eius ageretur Dominatu : literas ad Pontificem sua manu has dedit, fauore insigni plena-
in Societatem. Beatissime Pater. Praeclara venerandæ Societa-
ris IESV in Catholicam Religionem merita, eiusque in his
Germaniæ partibus, vel restituendæ, vel conseruandæ labo-
res, ac studia nouis quotidie occasionibus, felicibusque suc-
cessibus sic à Deo benedicuntur, vt non raro diuinam Pro-
videntiam in illis ego quidem suspiciam, ac deprædicem,
qua calamitosis hisce temporibus Ecclesiæ à Deo missi, stren-
uos in illa, summeque necessarios se operarios exhibent:
mihi vero, terris ac populis meis, quibus hisce Patribus, illo-
rumque laboribus frui contigit, plurimum gratuler, nihil ma-
gis exoptans, quām vt Institutum adeo salutare faciem illam
constanter retineat, qua non parum Christi sponsa Ecclesia
hactenus recreata, nouoque fœtu multiplicata fuit. Quod
propter Apostolicæ Sedis robur, quo hæc Societas, & Reli-
gio firmata est, felicemque eius Instituti cursum semper mihi
firmiter persuasi, neque nunc quidem secus vt accidat, diuin-
am bonitatem permissuram confido. Patrum vero qui in
his partibus rei Christianæ dant operam, contrarium quem-
dam timorem non absque animi mei molestia his ipsis die-
bus ex ipsiusmet didici, cum de nescio qua innouatione in eoru
Instituto forte facienda dolentes mihi significant, atque ad
eam nouitatem inducendam Sanctitatem Vestram à quibus-
dam non parum incitari. Quoniam verò Sedis Apostolicæ
auctoritate, & defensione, vel vnica eorum Societas in pri-
mæua

Par. II. A DVCIB. MARCH. ET COMIT. Class. V. 341
mæusua integritate , puritateque hactenus perstiterit : &
contra quoscumque eam impugnantes, vel in dubium ipsum
Institutum vocantes se tutata sit, quo animo iam esse; quid ve
sibi polliceri debeat, cum Sanctitatem Vestram Institutum
aggrexi , & mutationem in eo facere velle intelligent. Ego
vero Beatissime Pater, non tam Patrum istorum nomine,
quibus tam propter fidelem , quam mihi, populisque subie-
ctis nauant operam plurimum debo ; quæm propter religio-
nem ipsam Catholicam illis in his partibus potissimum inni-
tentem , pro mea erga Sedem Apostolicam obseruantia ; &
tranquillitate Ecclesiæ status, zelo, ac desiderio, non possum
non Sanctitati Vestrae debita cum reuerentia, animique sub-
missione aperire qualemcumque huius Ordinis Societatis hoc
tempore perturbationem, absque evidenti religionis Catho-
licæ in his partibus detrimento accidere non posse. Quæ ex
eorum Instituti immutatione, vel innouatione non tam ipso-
rum Patrum affirmatione, quæm mea quoque sententia, ma-
xima cum sit futura, eam Sanctitas Vestra pro suo erga Chri-
sti Oule amore , ac studio præcauere ut velit, etiam atque
etiam submisse rogo. Illud præterea perpendere, ex Institu-
ti Societatis per Sedem Apostolicam hoc tempore innoua-
tione, vel aliqua mutatione, tum frigidos in Germania nostra
Catholicos , tum obstinatos Hæreticos, in concepta contra
Ordinem Societatis opinione non parum confirmandos fo-
re. Qua Catholici dissolutores, præsertim Ecclesiastici, vir-
tutum splendorem , & vitæ exemplum horum Patrum non
ferentes, cum in vita, & moribus eorum nihil carpere, & re-
prehendere possint : Institutum ipsum , eiusque procedendi
rationem in dubium vocare solent, Ordinisque Societatis di-
latationem in his partibus impedire ea ratione , vel à se hanc
Religionem arcere conantur. Qui tamen facile Sedis Apo-
stolicae auctoritate, qua Religio hæc Clericorum Societatis
IエS V iuxta totam suam rationem sibi propriam, & primo In-
stitutam , & toties postea per summos Pontifices, vt etiam

per Sacrum Concilium Tridentinum approbata fuit, repressi
haetenus fuerunt. Hæretici verò nonnulli ab alijs Hæreticis,
qui Iesuitas & ipsi vocant fidelissimos, & iuratos Papæ de-
fensores, & Ministros proclamant, & propterea cane, & an-
gue peius oderunt dissentientes: inter alia quæ contra Socie-
tatem perperam effundere solent, Iesuitas nec Catholicos
quidem, sed nouam quandam sectam esse apud suos pronun-
ciant. Quantum iam Beatissime Pater, utrique dispari ra-
tione licet, in pernicioſa sua, falsaque opinione confirmabun-
tur, si intelligent Societatis Institutum in dubium à sanctitate
Vestra vocari; quædam in illa innouanda, & immutanda
esse. Quam gaudebunt in Sinum suum religionis Catholicæ,
huiusque Societatis aduersarij? Cum lucretu quidem So-
cietatis, detimento verò Ecclesiæ, pro qua tam fideliter hi
Patres laborant, vitam quoque & sanguinem pro illâ expo-
nentes. Accertè Sanctitas Vestra mihi credit, nihil pericu-
losius Ecclesiæ in his partibus excogitari hoc tempore posse,
quam si Patres Societatis in suis functionibus, quas iuxta suum
Institutum pro Ecclesiæ bono hic exercent, remitterent, aut
propter mutationem in eorum Instituto factam, cum pri-
stino Societatis spiritu, ac feroce illas non obirent. Cum
propterea Societas hæc erga Sedem Apostolicam in eius au-
toritate apud quoscumque ex peculiari Institutu sui ratione
tuenda, & persuadenda fidelissimam se haetenus exhibuerit;
ut tum Regna, & populos ad illius obedientiam & subiectio-
nem adduxerit, tum Principes quoque Catholicos ad debi-
tam erga eandem obseruantiam, & ad deuotionem permo-
uerit, nec in hoc genere finem faciat: ac nisi Sedis Apostolice
per ipsam auctoritate magis, magisque amplificata, crescere
se non arbitretur, omnem vicissini ab eadem Sede protectio-
nem mereri videtur, qua non tantum à Sanctitate Vestra ip-
sum Institutum omnem erga se fauorem, Apostolicamque
benignitatem experiatur, verum etiam Sanctitatis Vestrae
auctoritate ora ei obloquentium, vel quid noui contra illud à
tot

tot summis Pontificibus confirmatum molientium retundantur. Quare Beatissime Pater submissè iterum rogo hocce Religionis Catholicæ in his partibus fere vnicum præsidium, laudabilem hanc Societatem, ea ratione tueri nobis, ut velit, ne circa eius salutare, totique Ecclesiæ proficuum Institutum vlla ratione perturbari, vel contristari eam sinat: quin potius id suorum Prædecesorum exemplo in sua pristina integritate conseruando, ac tuendo, fructu, & incremento Religionis Catholicæ ex eorum ministerio plurimum se gaudere declareret. Neque enim latebit Sanctitatem Vestram similia contra Societatem ab aliquibus parum bono zelo ductis apud alios summos Pontifices esse tentata aliquando, mutationemque, seu nouitatem in Societatis Instituto valde sollicitatam fuisse. Quæ tamen sanctissimi Pontifices altiore intellectu penderantes, parum ad Ecclesiæ utilitatem accommodata intellexerunt, & loco nouitatis petitæ ipsum Institutum, totamque illius rationem, nulla in eo mutatione facta, de novo confirmarunt, pluribusque priuilegijs ornarunt. Quod item à Sanctitate Vestra pro flagranti ipsius boni communis desiderio mihi pollicebor, & communem tum Religionis huius, tum Principum Catholicorum in his partibus consolationem in hac causa humiliter expectabo. Sanctitati Vestrae me per quam humillimè, omnesque meos commendans. Datæ Monachij 29. Martij 1589. Sic ad literam referuntur hæ literæ
Part. 5. Hist. Soc. Tom. 1. lib. 9. n. 22.

5. AB OCTAVIO Parmensi Duce Clarissimo, qui falsis præoccupatus sermonibus aduersus Societatem, acerrimè Collegio Parmæ constituendo semper obstiterat, mirè tandem mutatus, Ioanni Guerræ Collegij Mutinensis Rectori Parmam accersito, aperto capite, valde que commotus hæc verba locutus. Tametsi (*inquit*) doleo Pater, Parmensis
Ducis mira
in Societa
tem muta
tio. quod morbus Comitis mihi Charissimi causa tibi Parmam veniendi fuerit, tamen aduenisse te summè lætor, quod in salutem animæ meæ, meique huius populi aduentum istum video destinatum à Deo fuisse. Ac priusquam alia dico, ex

Te,